

堅

瓠

集

序言

稼軒先生多聞博學能紹美乎其前人故知稼軒者以後進好事儒者稱之予聞而然之及觀所編堅瓠集凡其覲記所及古今軼事與語言文字之可資

談柄者悉載焉而勸戒之意即寓於中使讀者或時解頤撫掌或時駭目警心乃益信此真儒者好事之所為也夫人而非儒者惟恐其好事而儒者則惟恐其不好事蓋為仕為學皆儒者

事不得仕則終於學而已苟非
好事安能於學無遺事乎乃先
生則曰吾非好事也吾幸值太
平無一事之時聊借閒筆墨以
銷此閒日故書成而取義於物
之無用如堅齋者以名其篇噫

序

毛

二

丙

儒者之書豈無用之書儒者豈
無用之人雖學優不仕疑於匏
繫然儒者自命即不見用于世
要當立言以垂不朽稼軒著述
甚富有續聖賢群輔錄及鼎甲
考若干卷秘未授梓此區區小

篇猶未耳且如瓠之為物至老
而堅始適於用今稼軒窮且益
堅必且老當益壯是正世所寶
為碩果者也瓠云乎哉請以斯
言質諸知稼軒者

同學子菴毛宗崗序始氏漫題

堅瓠集卷之一目錄

戒石銘

牛產

鴟鴞蚯蚓

啖評

太平皇帝

愛妾換馬

妾易帶

紅葉題詩

陶穀郵亭詞

婦人朱粉

牡丹頭

上頭

月事

纏足

金釵十二

細腰

袼

禪袴

空定慧箴

刀筆辨

畫作粧奩

弄瓦

謝啟

卓沃詩

陸世明

顧成章俚詩

枷

穢韻雲偶

尼嫁夫人

詩朝朝臣

龍華會

井珠

七字吟

歲朝詞

上巡按詩

觀燈對

奇對

人中龍

驚妓越席

諷夏嚴諺語

遊仙夢

速死托生

割股放生

嫁婦休妻

婦人詩詞

和靖七世孫

詠月

判妓

半邊月

和靖墓

感慨詩

紙蓮船

城隍牆上畫

改神童詩

卜三蓍

如夢

盜水供狀

刺觀競渡

嘲執政

五經笥

堅瓠集卷之一

甬上留香閣主人較刊

戒石銘

戒石銘始於蜀王孟昶頒令箴於州邑其
文云朕念赤子盱食宵衣言之令長撫養
惠綏政有三異道在乙絲驅雞爲理留犢
爲規寬猛得所風俗可移無令侵削無使
瘡痍下民易虐上天難欺賦役是切有國

是資朕之賞罰固不踰時爾俸爾祿民膏
民脂爲民父母莫不仁慈勉爾爲戒體朕
深思至宋太宗擇取爾俸爾祿民膏民脂
下民易虐上天難欺四句頒行天下至高
宗紹興間復以黃庭堅所書命州縣長吏
刻銘座右明高皇則命立于甬道面鑄公
生明三字以爲守令警戒歐陽集古錄云
戒碑起於唐明皇特不見其詞貴耳集云

秦陵哲宗書戒石銘賜郡國陳眉公作宋
太祖立郎仁寶七修云元至元中浙西別
有四句天有昭鑒國有明法爾畏爾謹以
中刑罰

土產

雲南大理府出石屏官其地者每勞民傷
財載以饋人明李邦伯獨寓意於送行詩
有相思莫遣石屏贈留刻南中德政碑句

河南土產蒹菰線香宦遊者每取爲饋于
肅愍公巡撫其地絕無所取有詩云手帕
蒹菰與線香本資民用反爲殃清風兩袖
朝天去免得閭閻話短長夫世之巧宦不
無并土地括去者些些土產二公猶以爲
不可則廉貪相去奚啻天淵留刻德政清
風兩袖近惟江南巡撫潛庵湯公熾足以
當之

鳴鴉並刻

水南翰記成化中南京國子監有鴉鳴祭
酒周洪謨令監生能捕者放假三日人目
爲鴉鳴公其後劉俊爲祭酒好食蚶蜆監
生名之曰蚶蜆子○同時南京院妓吳娟
舉止輕捷人呼爲蚶蜆兒時以爲對

夾評

臨川傳平叔占術弱冠能文風氣道上嘗

戲爲啖評不減晉人排調錄之以資雅噱
評曰淙若水如深淵大澤初無虛滿劉文
伯如膏霖入畝徐疾相更吳兇奇如武后
宣淫但恨其少又如劉雍嗜痴不惜他人
流血李至崑如無當之管萬石難盈劉武
叔如初習蒼鷹一往奮擊周子會如飢馬
競齧蹄齒不馴又如席間闔犬直令四坐
縮足淙伯子如勇卒趨焚頭額無恙張八

和如人面瘡日食四兩肉雖費用不多而
求取可厭周開甫如燁庖翟闢恒處惠後
又如怯卒無級收骨而已李蓋卿如千里
馬駛有足無塵又如羊角風起鉅野爲墟
又如措大噉蔗欲滓成粉席舄可如腹臍
似口不能容受又如進兵咸陽但阻函谷
○人謂健啖者腹中有肉磨見文身表異

太平皇帝

建平四年妖賊王始聚于太山自號太平
皇帝父同爲太上皇兄休爲征東將軍太
爲征西將軍慕容德討擒之人謂之曰何
爲妖妄貽自族滅父及兄弟何在始曰太
上皇蒙塵在外征東征西爲亂兵所害如
朕今日復何聊賴其妻怒曰止坐此口以
至於此始曰皇后自古及今豈有不亡之
國哉

愛妾換馬

唐酒徒鮑生多蓄聲妓開成初以夢蘭小
倩隨行歷陽道中止定山寺遇外弟韋生
下第東歸駿馬孔阜同憇水閣鮑置酒頃
之二雙鬟抱胡琴方響而至坐鮑生之右
撥絲擊金響亮溪谷酒酣乃停杯命燭閣
馬于軒檻前鮑撫掌大悅韋戲鮑曰能以
人換任選殊尤鮑欲馬之意切密遣四絃

更衣盛粧而至命捧酒勸韋生歌一曲云
白露濕庭砌皓月臨前軒此時頗留恨含
思獨無言又歌送鮑生酒云風颭荷珠難
暫圓多生信有短姻緣西樓今夜三更月
還照離人泣斷絃韋乃召御者牽紫叱撥
以酬之鮑意未滿往復正頻有紫衣冠者
二人導從甚衆自水閣之西升階而來鮑
韋以寺當星使交馳之路疑大僚夜至乃

悲悚入室闔戶以窺之而杯盤狼藉不暇
收拾紫衣卽席相顧笑曰此卽向來指妄
換馬之筵乎命酒對飲一人鬚髯甚長持
盃望月請賦其事命折庭前芭蕉一片啓
書囊抽毫以操之長鬚者唱云彼美人兮
如瓊之英此良馬兮負駿之名將有求於
逐日故何惜乎傾城香暖深閨未厭桃夭
之色風清廣陌曾憐噴玉之聲紫衣曰原

夫人以矜其容馬乃稱其德既各從其所
好諒何求而不克長跪而別姿容休耀其
金鈿右牽而來光彩頓生於玉勒長鬚曰
步及庭砌立當軒墀望新恩懼非吾偶也
戀舊主疑借人乘之香散綠驄意已忘於
鬢髮汗流紅頰愛無異於凝脂紫衣曰是
知事有興廢用有取舍彼以絕代之容爲
鮮矣此以軼羣之足爲貴哉買笑之思旣

盡有類夢焉據鞍之力尙存猶希進也賦
訖芭蕉盡韋生發篋取紅箋跪獻廡下二
公驚曰幽顯路殊何見逼若是駭問其名
則謝莊江淹也言訖不見事見唐陳翰異
聞錄及才鬼記但古樂府已有梁簡文愛
妾換馬辭註曰古辭淮南王作則知非唐
事矣又誠齋錄記後魏曹彰性倜儻偶逢
駿馬愛之馬名曰鵲其三所珍也彰曰彰

有美妾相換惟君所擇焉馬主因指一姬
遂換之後人作愛妾換馬詩奏之管絃文
苑英華有陳標詩曰粉閣香銷華旣空忍
將行雨換追風休嫌柳葉雙眉綠却愛桃
花兩耳紅侍宴永辭春色裏趁朝休立漏
聲中思勞未盡情先盡暗泣長嘶兩意同
七修作張祐詩又鴻書蘇子瞻謫黃州蔣
運使饒之子瞻命婢春娘勸酒將問春娘

去否子瞻曰欲還父母家蔣曰公行必須
馬乞以馬易春娘可乎子瞻諾之將題詩
云不惜霜毛兩雪蹄等閒分付贖娥眉雖
無金勒嘶明月却有佳人捧玉卮子瞻荅
詩曰春娘別去六忽忽無限離情此夜中
只爲山行多險阻故將紅粉換追風春娘
亦賦一絕云爲人莫作婦人身苦樂無端
總屬人今日始知人賤畜君前碎首又何

真遂下堦觸槐而死三詩本紀不載

妾易帶

南唐近事宰相嚴續多歌姬給事中唐鎬
有通天犀帶皆一代尤物唐有慕姬之色
嚴有欲帶之心因雨衣相第有呼盧之會
唐適預焉嚴命出妓解帶較負於一擲舉
座屏氣觀其得失六骰數巡唐彩大勝乃
酌酒命美人歌一闋而別嚴悵然遣之

紅葉題詩

本事詩顧況在洛閒遊苑中水上得大梧
一葉有詩云一入深宮裡年年不見春聊
題一片葉寄與有情人況亦題一葉泛之
波中曰花落深宮豈亦悲上陽宮女斷腸
時帝城一作青恩不禁東流水葉上題詩寄與
誰後有客尋春苑中又得葉上一詩以示
況云一葉題詩出禁城誰人酬和獨含情

自嗟不及波中葉蕩漾尋春次第行後况
娶宮人韓氏成婚後於况書篋得前葉驚
曰此妾所題也向日妾亦於水中得一葉
况索觀之卽况所題者時人相訝其異云
又雲溪友議明皇時貴妃寵盛秦虢諸姨
往來禁中宮人怨悖有題紅葉隨溝水流
出者詩云舊寵悲秋扇新思寄早春耶題
一片葉寄與枕接一作流人爲顧况所得况

亦題詩卽前四句無後復出之事內官得
詩因達聖聰遣出官人韓鳳兒等甚多○
山堂肆考唐僖宗時詩人于祐晚步禁溝
拾一紅葉上有詩云流水何太急深宮盡
日間殷勤囑紅葉好去到人間祐亦題一
葉置溝上流有深宮葉上題紅怨付與清
流欲寄誰句爲宮女韓翠蘋所拾後祐爲
丞相韓泳館客值帝放宮女三千人泳聞

翠蘋有才學又同姓作伐嫁祐成禮後翠
蘋檢筭見葉異之各出所得相示咏聞之
復爲祐開宴叙賓相慶戲語祐曰二人今
日可謝媒矣翠蘋又詠一絕云一聯佳句
隨流水十載幽思滿素懷今日得成鸞鳳
侶方知紅葉是良媒雲溪友議又謂流水
句宣宗朝舍人盧渥事○王性之銓侍兒
小名錄貞元中進士賈全虛黜於春宮偶

臨御溝見一花流至拾之香馥頗異旁連
數葉上有一詩筆蹟纖麗一入深宮裏無
由得見春題詩花葉上寄與接流入金虀
得之企想其人不能離溝上街吏疑而白
之金吾奏其事德宗令人細詢之乃翠筠
宮奉恩院王才人養女鳳兒所書語其由
云初從母學文選初學記及慕陳後主孔
貴嬪爲詩數日前臨水折花偶爲宮思今

事露宜死德宗爲之惻然召全虛授金吾
衛兵曹以鳳凰賜之并院資賜焉○北夢
瑣言載進士襄陽李茵偶遊宮苑見紅葉
御溝流出上有題詩卽流水一首茵收貯
書囊後僖宗幸蜀茵寓南山民家見一宮
娥自云宮中侍書名雲芳子有才思茵與
之款接見紅葉驚曰此妾所題也同行詣
蜀及綿州逢內官田大人識之曰侍書何

得在此逼令上馬與之前去茵甚怏怏其
夕宿逆旅雲芳復至曰妾已重賂田某求
得從君矣乃與俱歸襄陽數年茵疾篤有
道士言茵面有邪氣雲芳子自陳往年綿
州相遇實已自縊而死感君之意故相從
耳人鬼殊途何敢貽患於君置酒賦詩告
辭而去○玉溪編事蜀尙書候繼圖未第
時登大慈寺樓倚闌遠望忽木葉飄墜上

有詩云拭淚

翠一作

歛蛾眉

愁一作

爲舊心中

事擲管下庭除書成相思字此字不書石

此字不書紙書向秋葉上願遂秋風起天

下有心情

一作人

盡解相思死天下負心人

不識相思意有心與負心不知落何地繼

圖藏之笥中後與任氏爲婚偶吟前句任

曰此妾昔日戲書梧桐葉上詩從何見之

繼圖檢葉示任任大異之談藪疑或一事

而傳者各異七修備載其事而不及賈全
虛顧于賈事同詩同顧于所娶宮人姓同
顧賈宮人又同名鳳兒李茵疑卽盧渥之
事若候繼圖詩既不同事亦各異又未可
以題葉而卽以爲一事也

陶穀詞

周世宗遣陶穀使江南以假書爲名實使
覘之李谷以書抵韓熙載云五柳公驕甚

宜爲之備穀至如其言熙載云陶秀實非
端介者乃遣歌姬秦弱蘭詐爲驛卒女敝
衣竹斂擁箒洒掃穀因與通作風光好詞
贈之曰好姻緣惡姻緣祇得郵亭一夜賦
別神仙琵琶撥盡相思調知音少再把鸞
膠續斷絃是何年後李王宴陶于澄心堂
命巨杯酌陶陶毅然不顧徐出弱蘭作酒
命歌前詞穀聞之大沮卽日北歸

婦人朱粉

婦人修容不知起於何代及觀詩云豈無
膏沐誰適爲容莊子云天子之侍御不爪
揃不茅耳則是塗面油髮穿耳帶環自古
已然前漢佞倖傳藉孺閔孺傳脂粉以婉
媚幸上梁朝子弟無不薰衣剗面傳粉施
朱男子且然而況婦人乎唐虢國夫人美
質不施脂粉少陵詩却嫌脂粉污顏色淡

掃娥眉朝至尊白香山有時世粧歌時世
教出自宮中傳四方惟崔樞夫人治家嚴
肅貴賤皆不許時世粧至後周禁天下婦
人皆不得粉黛惟黃眉墨粧而已○日札
載美人粧面旣傳粉復以臙脂調勻掌中
施之兩頰濃者爲酒暈粧淺者爲桃花粧
薄薄施朱以粉罩之爲飛霞粧梁簡文詩
有分裝開淺靨繞臉傳斜紅之句

髻異

晉志皇后則假髻步搖註步搖首飾也前
燕錄燕代多冠步搖冠長恨歌有金步搖
○焦氏類林載貴妃以假髻爲首飾曰義
髻唐僖宗時內人束髮甚急爲四髻唐婦
人梳髮以兩髻抱面爲拋家髻○三夢記
唐宮中髻名開掃粧形如倏風散髮蓋盤
髻墮馬之類唐人詩云還梳開掃學宮粧

獨立閒庭納夜涼手把玉釵敲砌竹清歌
一曲月如霜○吾蘇婦人梳頭有牡丹鉢
盂之名異有蘭花如意之號吳梅村先生
有咏牡丹頭南鄉子云高聳翠雲寒時世
新粧喚牡丹豈是玉樓春宴罷金盤頭上
花枝間合歡○著意畫煙鬟用盡玄都墨
幾凡不信洛陽千萬種爭看魏紫姚黃總
一般近則括束甚緊謂之懶梳粧

上頭

女子之笄曰上頭花蓋夫人宮詞年初十五最風流新賜雲鬟使上頭而婿家處女初得薦寢於人亦曰上頭今俗謂之梳櫳○女子初破體曰破瓜破瓜見比紅兒詩話

月事

天癸曰月事黃帝內經女子二七而天癸

至月事以時下又曰女子不月史記濟北
王侍者韓女病月事不下脰其腎脉齧而
不屬故曰月不下又程姬有所避不願進
釋名云天子諸侯羣妾以次進御有月事
者止不御更不口說以丹注面的爲識令
女史見之王粲神女賦施立的結羽釵卽
上所云也立的藝文類聚作華的又王建
宮詞云密奏君王知八月喚人相伴洗裙

裾八月二字尤新○陳眉公羣碎錄云絆
變婦人有汗也絆變月事也按絆變見漢
律○妝樓記紅潮謂女子桃花癸水也

纏足

纏足謂始於妲已古今事物考謂妲已狐
精也一作雉精猶未變足以帛裹之宮中效焉
說甚誕畢莊漫錄云婦人之纏足起於
近世前此書傳皆無所載六朝詞人多體

狀美人容色之姣好妝飾之華麗無一言
及纏足者韓偓香奩集有咏襪子詩云六
寸膚圓光緻緻唐尺短以今校之亦自小
也皆不言其弓惟道山新聞云李後主官
嬪官娘纖麗善舞後主作金蓮高六尺飾
以寶物細帶纓絡令官娘以帛繞腳纖小
屈上作新月狀素韞舞雲中回旋有凌雲
之態唐鎬詩曰蓮中花更好雲裡月長新

因宮嬪作也由是人皆效之以織弓爲妙
以此知扎脚自五代以來方爲之楊升庵
謂起於六朝引樂府雙行纏詞云新羅繡
行纏足趺如春妍他人不言好獨我知可
憐張禹山云史記有臨淄女子彈弦纏足
則古已有之曹子建洛神賦凌波微步羅
韞生塵晉書履有鳳頭重臺分稍之制唐
詩有便脫鸞靴出翠帷句李義山詩云浣

花溪紙桃花色好好題詩詠玉鈞杜牧之
云鈿尺裁量減四分碧琉璃滑褰春雲五
陵年少欺他醉笑把花前出画裙段成式
詩云醉袂幾侵魚子纈影纓長戛鳳皇釵
知君欲作閒情賦應願將身托錦鞋唐人
又有慢移弓底繡羅鞋之句則纏足非始
於五代明矣○七林諒美人足飾云文基
綵縹綸襪羅縢縹足衣縢足纏

金釵十二

唐人詩多用金釵十二如白香山馴牛思
黯詩鍾乳三千兩金釵十二行十二行或
言六鬟耳齊肩比立爲釵十二行然梁武
帝河中之水歌云洛陽女兒名莫愁頭上
金釵十二行是以一人帶十二釵也又南
史載齊周盤龍伐魏有功高帝送金釵十
二枚與其愛妾杜氏手敕云餉周公阿杜

此事甚佳罕有用者

細腰

墨子云楚靈王好細腰其臣皆三飯爲節
韓非子云楚靈王好細腰而國有餓死人
尹文子云楚莊王好細腰一國皆有飢色
劉禹錫踏歌行云爲是襄王故宫地至今
猶自細腰多細腰一事而載三王何祖孫
所好之同耶抑記者之誤耶

袜

袜婦人脇服也沈約詩額上蒲桃繡腰中
合歡綺隋煬帝詩錦袖淮南舞寶袜楚宮
腰盧照隣詩媚家寶袜蛟龍被謝偃詩細
風吹寶袜輕露濕紅紗意俗所謂抹胸也
崔豹古今註袜謂之腰綵引左傳而服戲
于朝近身衣也腰綵疑卽煖腰之類○段
成式云見說自能裁和肚不知誰更着梢

題註衲肚今之褰肚也

褰袴

褰卽袴也古人袴皆無襠女人所用有襠者其制起自漢昭帝時上官皇后爲霍光外孫欲壅蔽有子雖宮人使令皆爲有襠之袴多其帶令不得交通名曰窮袴樂府所云愛惜加窮袴防閑托守宮是也今男女皆服之矣

空定慧箴

明弘治己酉順天鄉試申明禁約文章內
不許用空定慧三字以涉禪語或仿鄭五
歇後體以自箴曰回也其庶乎屢此下一
字真可除君不見今之所禁則國虛當年
夫子犯了鄙夫問於我如少之時血氣
未此下一字只合塗君不見今之所禁天
下惡乎當年曾子犯了一人僨事一人國

葉孤 言不及義好行小此下一字渾不
是君不見今之所禁雖有智當年孟子犯
了德術智

刁筆辨

萬花金谷長洲鑄工馬士龍與錢塘傳書
人郭天民同集吳叔華家馬長而郭幼郭
不之讓與爭坐馬曰小子敢我仇耶我聞
刁筆吏抑刁在前乎筆在前乎郭曰老兒

敢欺我耶我有筆如刀抑筆在前乎刀在前乎且汝非我筆能奏刀乎馬語塞竟讓郭坐

壽作粧奩

其善丹青有女及笄不置一物作舉案齊眉圖一幅題一詩攜其女以適其夫詩云婚姻只見鬪豪華金屋銀屏衆口誇轉眼十年人事變粧奩買與別人家

弄瓦詩

無錫鄒光大連年生女俱名翟永齡飲翟
作詩云去歲相招云弄瓦今年弄瓦又相
招寄詩上覆鄒光大令正原來是瓦窑

典淮郡謝啓

宋文本心典淮郡景物蕭條謝賈似道啟
有云人家却破寺十室九空大守若頭陀
兩粥一飯

卓沃詩

西蜀卓沃飽學而貧家徒四壁一日有盜
入其家沃知吟詩以示之曰夜靜鐘殘月
色昏有勞帶劍入寒門詩書腹內餘千卷
珠王床頭沒半分低語已驚黃犬吠輕行
不損綠苔痕多情知我淒涼事不及披衣
起送君盜笑而去後應四川鄉試至巫江
搭船乏鈔稍子辱之令宿於舟尾沃以詩

自悼曰搭船誰敢道心酸稍尾中間一半
寬縮頸睡時如鳳宿屈身坐處似龍蟠九
天雨下渾身濕五夜風生透體寒最是有
錢真個好官船裏面樂盤桓將登岸稍子
故意開之竟跌水邊衆笑之沃又吟曰一
到江邊船便開天公爲我洗塵埃時人莫
笑衣衫濕乍向龍門跳出來入試畢及揭
榜以春秋中亞魁春榜登進士第授職雲

貴過巫江舟子已早避矣乃拘其母禁之
十日不出復執其妻次早投見妖乃斷之
曰禁母十日拘妻一宵倚門之望何疎結
髮之情何厚往辱儒生今違孝道用申法
律以警將來遂杖而釋之

陸世明

長洲陸世明俊才藻思聲稱藉甚舉於鄉
赴南宮下第歸過臨清鈔關錯認爲商令

納稅陸卽書一絕呈主事云獻策金門苦
未收歸心日夜水東流扁舟載得愁千斛
聞道君王不稅愁主事見詩驚媿亟迎入
款贈甚厚又金陵一妓能詩善鼓琴以月
琴自號世明過其家口占點絳脣贈之云
三尺水絃夜深彈破青天竅意中人杳只
有清光到雲雨無緣總是相思調愁懷抱
嫦娥心照訴與他知道

顧成章俚語

嘗熟顧成章善戲謔能以俚句爲詩嘗咏
貧家姑嫂不合以致分居者云姑姑嫂嫂
曾蓬糟日日蓬糟要八刀拆散一雙生鴨
對分開十隻小鷄淘除灰荳亦論顆數換
糞油還逐滴掾只有喜神無用處太家都
把火來燒又咏人家不檢束使女云兩脚
塵糟拖破鞋囉垂像甚細娘家手中托飯

沿街吃背上馱兒著壁捱隔戶借鹽嘗討
碟對門兜火弗擔柴除灰換糞沒雕當扯
住油瓶撮撮篩此等皆吳音撮合者可謂
曲盡

枷詩

陸厨之子因不避邑長被責而枷之臧晉
叔爲詩曰陸厨今歲苦多端頭向青松木
裏鑽日出乍看臺少脚夜行不怕井無欄

濛鬆細雨衣難濕料峭東風頭不寒更有
一般堪歎處入時容易出時難

穢韻雪偈

雲棲四面皆山積雪之後真銀色世界也
有禪者謂蓮池師曰今居穢土求淨邦還
許出穢語求淨偈否師可之因出韻云狗
醜非酒紐師隨出偈云萬山無人縱腐狗
頑石高低盡遮醜糝遍苔痕白似壇壓翻

蒲葉青如韭寒膏時煮竹爐茶潔體不陪
金帳酒水晶城外一聲柳玉關頓地開銀
紐偈畢禪衆大悅

尼嫁士人

駒陰允記饒州有尼嫁士人張生鄉人戴
宗告爲詩貽之曰短髮蓬鬆綠未勻袈裟
脫却着紅裙于今嫁與張郎去贏得僧敲
月下門聞者稱快

詩嘲朝臣

武昭伯曹欽太監曹吉祥侄也恃迎復功
陞伯爵虎而翼矣憑意凌人錦衣衛指揮
遂果與都御史寇深每事裁抑之天順辛
巳七月二日遂反幸達官馬亮聞變告恭
順侯吳瑾瑾告懷寧伯孫鏜進本達上得
不敢門五鼓欽已橫殺干街舉火攻門朝
臣都避走逮寇二公首被殺僂李閣老賢

被執頻擬以刃尋釋之索尙書王翱甚急
王在一室窘迫無措主事朱文範長大有
力遽負王逸去始得免比天明孫鏗會兵
戰于四牌樓至暮乃平恭順侯亦戰死京
師時有詩云曹奴此日發顛狂寇遂諸公
死亦當學士叩頭如吠犬謂李賢尙書鎖項
似羣羊謂王萬安屈膝稱三叔恭順當胸
戰一場寄與滿朝當道者將何面目見吾

皇後翔擢文範於要津時呼爲馭官人

龍華會

四月八日俗傳爲釋迦生辰各建龍華會
以小盆坐銅佛浸以香水而復以花亭饒
鼓迎往富家以小杓澆佛提唱偈誦布施
錢財有高峯和尚偈曰呱聲未絕便稱尊
攪得三千海岳昏惡水一年澆一度知他
雪屈是酬恩

井珠

輟耕錄云人欲娶妻而不得謂之尋河覓井已娶而料理家事謂之挑雪填井男婚女嫁財禮奩具種種不可闕謂之投河奔井又云奴僕初來時曰走盤珠言不撥自動稍久曰算盤珠言撥之則動旣久曰佛頂珠言終日凝然雖撥亦不動此雖俗諺實切事情

七字吟

順治丁酉南塲鄉試吾鄉有楊姓者獲雋
因其頭歪人遂作七字吟以嘲之曰側吹
簫^音笛聽隔壁思量弗出頸裏摸跳^音虱圈
棚船立弗直我是梁山阮小七

歲朝詞

吾鄉熊元明先生諱秉鑑戲作歲朝詞黃
鶯兒曰定^去東五樣頭煨鴨蛋噪煮韭蘿

葡萄白鰲鷄來奉糟魚少頭瓜藟沒油圍爐
火燉生泔酒餓吼吼接道連碗個個踏陽
溝

上巡按詩

正德中浙江有神童年八歲聰慧能詩上
巡按詩云幾欲烏臺見上官心驚膽戰事
多端九天雨露三春煖一道風霜六月寒
俯仰文星冲北斗喜看明月照冰盤已知

海上金鰲見願賜書生一釣竿

觀燈對

永樂中溧陽彭印山六歲以神童徵至京
師上御奉天門外觀燈召彭出對曰燈明
月明大明一統彭應聲曰君樂臣樂永樂
萬年上大奇之賜予甚厚

奇對

陸浚明
梁幼善屬對一日同陸象孫會客

兩客對奕飲酒客曰圍碁賭酒一着一酌
客無以應榮卽曰坐漏觀書五更五經又
一客曰彈琴賦詩七絃七言

人中龍

吾郡蔣燾年十一爲府學生遇聖節赴立
妙觀習儀巡按某見二崔飛集三清殿命
燾云三清殿上棲雙崔燾應聲曰五色雲
中駕六龍御史驚歎曰他日人中龍也

驚怖越席

蔡君謨招陳烈李觀飲於望海亭以歌妓
侑酒方舉板一拍烈驚怖越席攀木踰垣
而去觀作詩嘲之有山鳥不知紅粉樂一
聲檀板便驚飛之句烈聞而投牒云李觀
本無士行輒造賓筵詆釋氏爲妖胡指孟
軻爲非聖按聖經云非聖人者無法合依
名教肆諸市朝君謨覽牒大笑

諷夏嚴諺語

夏桂洲言嚴介溪嵩方柄用時互相傾軋
京師有諺曰夏桂洲不知休晴天不肯走
直待雨淋頭嚴介溪不知機善惡到頭終
有報只爭來早與來遲先後十餘年二人
相繼覆敗一符其言又傳貴溪臨刑時大
雨如注西市水深三尺應兩淋頭之諺○
湧幢小品載貴溪八字壬寅丁未丙寅壬

辰少時有江西星士王玉章推其造批云
如今還是一書生位至三公決不輕莫道
老來無結果君王還贈一車斤

遊仙夢

司馬溫公爲定武從事同幕私幸官妓公
諱之會僧廬公枉道潛窺妓踰牆去公戲
之曰年去年來來去忙暫偷閑卧老僧房
驚回一覺揚州夢又逐流鶯過短牆

速死托生

程師孟嘗請於王介甫曰公文章命世某
幸與公同時願得公爲墓誌庶傳不朽王
問先正何官程曰非也某恐不得常侍左
右預求以俟異日又王雱死張安國披髮
藉草哭於柩前曰公不幸未有子今夫人
有娠某願死托生爲公嗣京師嘲曰程師
孟生求速死張安國死願托生

割股放生

王荊公爲相每生日朝士獻詩爲壽光祿卿輩中籠貯雀鵠摺筍開籠每一雀一鵠叩齒祝之曰願相公一百二十歲時有邊帥之妻病虞侯割股以獻者時嘲之曰虞侯爲夫人割股大卿與丞相放生

嫁婦休妻

倦游錄王荊公子雋爲太常太祝有心疾

娶妻龐氏未嘗相接獨居小樓焚香禮佛
荆公憐而嫁之時工一作部員外侯叔獻
荆公門人也再娶槐氏而悍侯死荆公怨
其虐前妻之子奏而出歸母家京師諺曰
王太祝生前嫁婦侯工部死後休妻

婦人詩詞

七修類稿載廣信道中有杭婦金麗卿詩
云家住錢塘山水圖梅邊柳外識林蘇平

生慣占清涼國豈料人間有暑途又寶祐
間有余淑柔題浪淘沙于臨川驛壁云雨
溜一本和字風鈴滴滴丁丁釀成一紙別離
情可惜當年陶學士孤負郵亭過雁帶
秋聲音信難憑花鬚偷數卜歸程料得到
家秋正晚一作菊滿城

和靖七世孫

林可山自稱和靖七世孫和靖不娶已見

梅聖俞序中姜石帚作詩嘲之曰和靖當年不娶妻因何七世有孫兒若非雀種并梅種定是瓜皮搭李皮今之通譜亦可謂瓜皮搭李皮矣

咏月

萬花金谷載張彖咏月詩亦有致欲賒美酒邀明月又恐隣家索酒錢歸與妻兒斟酌定閑門推出月邊天

判妓

東坡攝署錢塘有妓號九尾狐者一日下
狀解籍坡遂判云五日京兆判斷自由九
尾野狐從良任便又一名妓亦援例求落
籍坡判云敦召南之化此意可嘉空冀北
之群所請不允聞者大笑

半邊月

建文帝初生頂顱頗偏高皇視之心甚不

悅嘗撫而名之曰半邊月兒每慮其不竟
終或以詩對試之一夕與懿文同侍高皇
側命咏新月懿文云昨夜嚴陵失鈎鈎何
人移上碧雲頭雖然不得團圓相也有清
光遍九州建文云誰將玉指拈打破碧天
痕影落江湖裏蛟龍不敢吞高皇覽之不
悅未幾懿文薨建文帝又出亡皆應其語
又一日與文皇同在禁中觀獵馬疾馳而

過高皇出句曰風吹馬尾千條線建文云
雨打羊毛一片氈文皇曰日照龍鱗萬點
金語雖俱工而氣象則讓文皇矣

和靖墓

宋林處士和靖隱居西湖之孤山以梅爲
妻以雀爲子朝廷錫以粟帛古今高其梅
詩清高莫比後宦遊于杭者或妾或女死
多葬其地故累累於林墓之前後有士人

題詩云太乙宮前處士家于今換作官人
斜想因孤嶼人清絕故使桃花照命耶

感慨詩

劉後村詩云刮膜良方直萬金國醫曾費
一生心誰知鬚髻攜籃者也有盲人問點
鍼又高駢詩云鍊汞燒銀二十年至今身
在藥爐邊不知子晉緣何事只學吹簫便
得仙二作立意相同感歎不遇

紙蓮船

宸濠曾賞元宵用紙造蓮船一隻頭設二獅子口俱啣錢傍列五道士冠皆斜側一竿半清至尾則否徧遊各街間有曉其意者召來一士見之云甚有意召去問之對曰好一白蓮船兩司俱要錢五道官不正一竿清不金濠喜留宴賞元寶一個蓋江西有五道太守姓甘初政頗清故云

城隍牆上書

洪武間金陵有人書僧頂一冠一道士頂
十冠髻鬆其髮一斷橋甲士與民各左右
立而待渡揭於城隍廟牆上高皇聞之勅
教坊司參究其事以奏云僧頂冠有官無
法道士十冠官多法亂軍民立橋邊過不
得自後法網稍寬蓋以滑稽而諫者

改神筆詩

順治中吾鄉一孝廉性落拓不檢爲諸無
賴事一日與僧爭一變童不勝遂縛僧歸
鎖木墩上爲僧所訟誣以叛逆以木墩及
串戲蟒衣爲証追捕至家僧猶在室負墩
至官下石者衆罪不可追時有改神童詩
者曰一舉墩頭口雙僧未老時蟒衣歸庫
裏端的爲男兒身列賢書不知自好以至
此極書之以示戒焉

卞三菲

姚三菲本姓卞博學善詩館於懷氏有女
常窺之卞不顧一日晒履於庭女作詩納
其中卞得之卽托故辭歸怡杏翁作詩詠
其事有一點貞心堅匪石春風桃李莫相
猜之句卞不受詩答書辨其無此事其子
諶及曾孫錫皆登進士歷顯官利第不絕
云

如夢

葉祖負雋聲嘗曰世間有不分曉事吾因
詠一聯云醉來黑漆屏風上草寫盧仝月
蝕詩後以多語去官獨西湖二三僧相善
爲之祖餞僧曰世事如夢而已葉曰如夢
如夢和尚出門相送聞者絕倒

盜水供狀

有頑民因天旱盜決人水灌田爲主者執

赴供狀曰右某因天時亢律呂調切慮禾
苗宇宙洪遂偷某田金生雇致得其人寸
陰是念其不識始制文今來甘認弔民伐
一聽老爺忠則盡山堂
考

刺觀競渡

弘治末楊一清八歲時自滇過巴陵癘而
癘有岳二州甚器之薦於太守同觀競渡
守陋其狀撫其額歎曰苦哉苦哉今賦詩

一清賦云苦哉苦哉天生皇宴駕未
踰年江山草木猶含淚太守江邊看渡船
守見之甚媿罷飲時孝潮上賓未幾故云

詩嘲執政

宋丘道源落天聖中進士往往譏諷朝貴
嘗嘲執政云樞密中書多出入不論功績
使局遷金銀一似佛世界動便三千與大
千執政怒請上罪之仁宗曰狂夫之言古

有郇謨哭市語言諧謔曷足爲罪

五經笥

後漢書邊韶字孝先以文學知名教授數百人曾晝日假卧弟子私嘲之曰邊孝先腹便便懶讀書但欲眠韶潛聞之應曰邊爲姓孝爲字腹便便五經笥但欲眠思經事竊與周公同夢靜與孔子同意師而可嘲出何典託嘲者大慙